



Knud Fleischer  
Inatsisartunut Ilaasortaq  
Kattusseqartigiit Partiiat

### § 37 naapertorlugu Sermersuarmi misissuinerit pillugit apeqummut 2012/59-imut akissut

09. mar 2012  
Sagsnr. 2012-062902  
Dok. Nr. 848493

Inatsisartut suliariaasianni § 37, imm. 1 naapertorlugu apeqqutitit Naalakkersuisut 24. februar 2012 tiguaat. Angallanneq pillugu nalunaarummut atatillugu akuersissutinik tunniussisarneq, tassunga ilanngullugit sermersuarmi misissuinissanut ilimatusarnissamullu akuersissutit, Nunamut Namminermt, Pinngortitamut Avatangiisinullu Naalakkersuisoqarfiup akisussaaffigimmagit apeqqutitut ukununnga oqaaseqaateqaqqullugit qinnuivigineqarput. Taassuma saniatigut Asiaq – Nunatsinni misissueqqaarnerit, silasiorfiit pillugit paasissutissiivoq aamma Inuussutissarsiornermt Suliffeqarnermullu Naalakkersuisoqarfiup sermersuarmik atuinnissamik periarfissat nalilersorpai. Akissutaat ataani akissutini ilanngunneqarput.

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: [iin@nanoq.gl](mailto:iin@nanoq.gl)  
[www.nanoq.gl](http://www.nanoq.gl)

#### 1. Nunatsinni sermersuarmi silasiorfiit aammalu sermersuarmik misissuinissaq siunertarlugu suliaqartut qanoq amerlatingippat?

##### Akissut:

Sermersuarmi ilimatusarfiit annerit marluupput, tassa Summit aamma North Greenland Eemian Ice Drilling (NEEM) aammalu Kangerlussuup Ilulissallu eqqaanni mikinernik aallaarfeqarluni. Nunarsuarmi ilimatuut nunarpassuarneersut sermersuarmi ilimatusarnermi assigiinngitsunik suliniuteqarput. 2011-mi ilimatusarnermi suliniutit 16-iupput, 2010-milu suliniutit 14-iullutik. Suliniuterpasuit ukiuni arlalinni suliniutaapput.

Summit-imi ilimatusarfik pillugu paasissutissat amerlanerusut uani takuneqarsinnaapput: [www.summitcamp.org](http://www.summitcamp.org)

Ilimatusarfik NEEM pillugu paasissutissat amerlanerusut uani takuneqarsinnaapput: [www.neem.dk](http://www.neem.dk)

Silasiorfiit amerlanertigut aamma ilimatusarfiupput, Danmarkimillu USA-millu ingerlanneqarnerullutik. Qallunaat ilimatusarnermi suliniutaat anginerusoq tassaavoq "Programme for Monitoring of the Greenland Ice Sheet" (Promice), tassani siunertaalluni sermersuup killingani sermip aakkiartorneranik misissuineq. Siunertamut tassunga sermersuup killingani sumiiffinni assigiinngitsuni silasiorfiit inissinneqarnikuupput.

Aammattaaq amerikkarmiut suliniutaanni "Greenland Climate Network" (GC-Net) sermersuarmi silap pissusaa pillugu paasissutissatik katersuiviusunik 18-inik nammineq ingerlasunik silasiorfeqarpoq.

Suliniut Promice pillugu paasissutissat amerlanerusut uani takuneqarsinnaapput: [www.promice.dk](http://www.promice.dk)

Suliniut GC-Net pillugu paasissutissat amerlanerusut uani takuneqarsinnaapput: <http://cires.colorado.edu/science/groups/steffen/gcnet>

## **2. Pineqartut nunatsinnut qanoq sutingullu iluaqutaappat?**

### **Akissut:**

Ilisimatusarfinni misissuinerni paasisat ilisimalikkallu Kalaallit Nunaannut nunarsuullu sinneranut pingaaruteqartorujussuupput. Paasisat ilaatigut siunissamik silassamik siulitinermi qangalu silap pissuserisimasaanik paasinnissamut atorneqartarput.

Taassuma saniatigut Kalaallit Nunaat ilisimatusarfinnit taakkunannga pissarsisarpoq, tassa ilisimatusartut ingerlasussanik nassiussanillu piareersaasartut aqutsisartullu unuisarfiillu atortarmatigit – pingaartumik Kangerlussuarmi. Tassunga peqatigitillugu Namminersorlutik Oqartussat sermersuarmi suliniuterpasuarnik tapersiisarnermi Joint Committee pillugu isumaqatigiissut aqutugalugu National Science Foundation qanimut suleqatigaat. Suleqatigiinnerup taassuma ilaatigut kinguneraa amerikarmiut ilisimatuut Kangerlussuarmi aasaanerani ilinniarfimmi kalaallinik ilinniagaqartunik ilinniartitsinissamut piareersimasarnerat.

## **3. Sapinngisamik pineqartut nunatsinnut iluaqutaanerpaamik atorluarneqarnissaat qanoq naalackersuinikkut anguniangaqartoqarpa?**

### **Akissut:**

Naalackersuisut siunnersuutigaat ilisimatusartut Kalaallit Nunaanni ilisimatusarfiit suleqatigalugit Kalaallit Nunaannilu kandidatinnngorniat PhD-nngorniallu sulisinnerisigut ilisimatik Kalaallit Nunaannut ataatsimut isigalugu iluaqutaatittussanngasagaat.

## **4. Ukiuni amerlisuni nunatta sermersua qanoq misissorneqartarpa?**

### **Akissut:**

Ukiuni kingullerni Sermersuarmi sumiiffinni arlalinni qillerinerit ingerlanneqartarnikuupput, kingullermik nunat tamat ilisimatusarfianni NEEM-imi. Misissuinerni allani qaartitsiluni nipip maligaasai atorlugit misissuisoqartarpoq, atortut assersuutigalugu GPS-imik uttuut issisiutillu/kiassiutillu sermimut inissinneqartarlutik, radari satellitiniillu assiliinerit atorlugit misissuisoqartarpoq. Taassuma saniatigut anorimik silamillu ataatsimut isigalugu uuttortaasoqartarpoq.

## **5. Suut misissorneqartarpat?**

### **Akissut:**

Sermip qanoq nikikkiartortarnera, sermip qanoq sukkatigisumik nikikkiartortarnera, sermillu qanoq aatsiginera, silaannaap kissarnerulerneratigut sermeq qanoq sunnerneqartarnera, sermip ataata qanoq isikkoqarnera, sermip paamik mingutsinneqartarnera, qanoq apisartiginera, sermimi tatsit qanoq pinngortarnerat il.il. ilisimatuut ilaatigut misissortarpat.

**6. Misissuinerit sumut qanorlu atugassatut misissorneqartarpat?**

**Akissut:**

Misissuinerit ilaatigut tunngaviuvoq siunissami silap pissusissaa aammalu siornatigut silaannaap allangortarsimaneranik paasisaqarnikkut maannakkut silaannaap allangoriartornera pillugu nutaanik ilisimasaqalernissaq.

**7. Misissukkat suna siunertaralugu ingerlanneqartarpat?**

**Akissut:**

Ilaatigut siunertaavoq silaannaap allangoriartorneranik misissuinnikkut silaannaallu allangoriartorneratigut sermersuup qanoq sunnertarneranik nutaanik ilisimasaqalernissaq, tamannalu siunissami immap qaffakkiartornissaanut tunngatillugu naleqquppoq.

**8. Sermersuup atorluarneqarsinnaanera isumalluarnarparpat?**

**Akissut:**

Sermersuarmik imissanngorlugu atuinissat pillugit suliuniuteqarnissammik isumaliuteqartunit aallarnisaasunit ingerlaavartumik saffiginnittoqartarpoq. Misissueqqaarnissamut akuersissutinik tunniussisoqartarnikuuvoq, tunisassiornivimmilli aallartitsisoqarnikuunnigilaq. Inuussutissarsiornermut Suliffeqarnermullu Naalakkersuisoqarfiup ilimagaa piffissap ilaani atorluaaneq aallartinneqassasoq, kisiannili killilikkamik immikkut tunisassior- toqarnissaa imaluunniit annertuumik avammut tuniniaasoqassanissaa maannakkut nalilersoruminaappoq.

Inussiarnersumik inuulluaqqusilluta

Med venlig hilsen



Palle Christiansen